

HIZKUNTZA POLITIKA. Batasunak errotulazioaz eta komunikabideentzako diru laguntzen atzerapenaz galdetu du

Euskararen Kontseiluaren izendapenak «iruzurra» direla esan du Lizarbek

EAK «euskararen aurka eskuinak duen estrategiarekin konplizitatea» leporatu die hautatutako kontseilukideei

Alberto Barandiaran | IRUÑEA

Juan Jose Lizarbe PSNko idazkari nagusiaren esanetan, Euskararen Kontseiluaren aulkiak betetzeko erdaldunak izendatzea «iruzurra» da, eta trufa. «Ikerketa zientifikoen Kontseilu Gorenean esertzeko batxilergoa gainditu ez duten jendea izendatuko balitz? Gauza bera da», esan zuen atzo PSNko idazkari nagusiak.

Nafarroako sozialisten burua ohi ez bezala busti zen Euskararen Kontseiluaren gaineko balorazioarekin, eta ohi ez bezalako hitzak erabili zituen foru dekretua lehenbailehen onartzeko Nafarroako Gobernuak erabili duen taktikaren aurrean.

Lizarbek salatu zuenez, UPNk kontseilua erabili nahi izan du «bere politika antiabertzalerako». «Nik, adibidez, ezin go nuke kontseilu horretan egon», esan zuen. «Ez litzateke etikoa izango, eta bai iruzurra. Soilik euskara ezagututa egin daiteke hizkuntzaren zabalpena eta normalizazioaren alde, eta bere despolitizazioaren alde».

«Hau txantxa da, burla» gehitu zuen Lizarbek, «eta demokraziarekin ez da jolastu behar. Miguel Sanzen gobernuak egin duenak demokrazia ez zegoen beste garaiak ekartzen dizkigu gogora».

Alderdi eta erakundeen kritikak

Sozialistek ez ezik, hainbat alderdik eta erakundek ere beren desadostasuna jakinarazi zuten Euskararen Kontseiluaren herenegungo erabakiarekin eta Nafarroako Gobernuak izaniko jarrerarekin.

EAKo Nafarroako batzordeak «erabateko arbuioa» agertu zion foru dekretu zahar-berriari, eta erakunde honek UPNk jarritako helburuak bete dituela nabarmendu zuen.

«Nafarroako eskuinak isiltasunaren legea ezarri nahi du, eta normaltasun itxura eman bere hizkuntz politikaren inguruan», dio batzordeak bidalitako oharra. «Horrela, saihestu nahi du gaiarekin lotutako erakundeen kritika».

Batzarrentzat, dekretuaren onespenearekin Nafarroako aniztasunari «burla» egin dio berriro UPNk, eta dekretuak nahieran aukeratutako kontseilukideen onespena bakarrik iza-



JAGOBA MANTEROLA / ARGAZKI PRESS

Jesus Laguna Nafarroako Kultura eta Hezkuntza sailburua, Euskararen Kontseiluko beste bi kidearekin hizketan, herenegungo bilera ostean.

ESANAK

JUAN JOSE LIZARBE (PSNko idazkari nagusia)

«Hau txantxa da, burla, eta demokraziarekin ez da jolastu behar»

EA

«Nafarroako eskuinak isiltasunaren legea ezarri nahi du, eta normaltasun itxura eman»

MILAGROS RUBIO (Batzarre)

«Beste jauntxokeria bat da, gaitasunik izan gabe aginduak betetzeko hautatutako lagunek babestua»

ARALAR

«Nafarren askatasunaren, berdintasunaren, garapenaren eta bakearen aurkakoa da»

hizkuntz eskubideak ahaztea, hori kontraesana da, eta «aitzakia hutsa euskararen aurkako politikak justifikatzeko».

Aralarrentzat, kontseilua miserablea da

Aralarrentzat, kontseilua «miserablea da, eta, litekeena da, ilegala». «Iritzi hori berresten du duintasunaren aurrean morrontza aukeratu duten kontseiluko kideen jokabideak».

Alderdi horren ustetan, haututako erabakia «nafarren askatasunaren aurkakoa, berdintasunaren aurkakoa, garapenaren aurkakoa eta bakearen aurkakoa da».

LAB-Irakaskuntzarrentzat, bestalde, asteazkeneko bileran «Euskararen Liburu Beltzerako beste kapitulu benetako iluna» idatzi zen Nafarroako Jauregian.

«Lotsagarria, kafkiarra eta iraingarria» izateaz gain, sindikatu horrek dekretuaren alde sinatu zuten euskaldunen jarra salatu du.

PARLAMENTUA

Batasunak errotulazioaz galdetu du

Felix Puyo parlamentariak bi galdera egin dizkio Gobernuari, biak hizkuntza politikarekin lotuta. Horietako batean errepideetako seinalizazio eta errotulazioetan zenbat diru gastatu den jakin nahi du, eta horretarako eremu bakoitzean zein errotulu eta zergatik aldatu diren galdetu dio Jose Ignacio Palacios Herrilan kontseilariari. Halaber, komunikabideentzako diru laguntzen inguruan parlamentari independentistak atzerapenei buruzko galdera egin dio Gobernuari. Iaz, jada, ohi baino hainbat hilabete beranduago kaleratu zen deialdia, eta aurtun oraindik ez da horren inguruko erabakirik hartu.

tea azpimarragarria dela adierazi du Milagros Rubiok.

«Hau UPNren beste jauntxokeria bat da, inolako gaitasunik izan gabe aginduak betetzeko

hautatutako zenbait lagunek babestua».

Parlamentariarentzat, Administrazioen sartzeko aukeren berdintasuna argudiatzea, eta